

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a na osnovu člana 97. stav 3. Zakona o osnovnoj školi ("Službene novine Zeničko-dobojskog kantona", broj: 3/18) i prethodnog mišljenja Ministarstva za obrazovanje, nauku, kulturu i sport o izabranom kandidatu za direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju Zenica, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 35. sjednici, održanoj dana 12.12.2019. godine, d o n o s i

ZAKLJUČAK

o davanju saglasnosti za imenovanje direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju Zenica.

I.

Daje se saglasnost da se Salčinović Tarik, profesor sporta i tjelesnog odgoja, imenuje na dužnost direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju Zenica, na period od četiri godine.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____ /19

Datum, 12.12.2019. godine

Z e n i c a

DOSTAVLJENO:

1x Ministarstvu za obrazovanje, nauku, kulturu i sport,

1x Imenovanom, putem Ministarstva,

1x JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju Zenica, školskom odboru, putem Ministarstva,

1x JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju Zenica, putem Ministarstva,

1x a/a.

Školski odbor JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju, Zenica, je na sjednici, održanoj 28.11.2019. godine, nakon provedene konkursne procedure i završenog ostavljenog žalbenog roka, izabrao prijavljenog kandidata Salčinović Tarika, za direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju, Zenica, te zatražio saglasnost za njegovo imenovanje.

Polazeći od zahtjeva Školskog odbora, kao i dokumentacije koja je bitna pri izboru i imenovanju direktora osnovne škole u skladu sa članom 97., stav 3. Zakona o osnovnoj školi, ("Službene novine Zeničko-dobojskog kantona", broj: 3/18,), Ministarstvo za obrazovanje, nauku, kulturu i sport Zeničko-dobojskog kantona daje sljedeće

MIŠLJENJE

o predloženom kandidatu za direktora

JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju, Zenica.

Salčinović Tarik, profesor sporta i tjelesnog odgoja je izabran za imenovanje na dužnost direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju, Zenica.

Izabrani kandidat ispunjava sve uslove za izbor i imenovanje direktora škole, utvrđene članovima 97. i 98. Zakona o osnovnoj školi („Službene novine Zeničko-dobojskog kantona“, broj: 3/18).

Salčinović Tarik, ima 14 godina radnog staža u odgojno-obrazovnom procesu na radnom mjestu nastavnika tjelesnog i zdravstvenog odgoja i mandatni period od 4 godine na mjestu direktora iste škole.

Ministarstvo za obrazovanje, nauku, kulturu i sport Zeničko-dobojskog kantona predlaže da Vlada Zeničko-dobojskog kantona Salčinović Tariku, kandidatu izabranom od strane Školskog odbora, **da saglasnost** za imenovanje na dužnost direktora JU Škola za odgoj, obrazovanje i rehabilitaciju osoba sa poteškoćama u psiho-fizičkom razvoju, Zenica.